

### **Casa s. Martin, Trun – midada al tgamun operativ**

Il responsabels dalla Casa s. Martin s'organiseschan daniev per esser pinai per l'integraziun dil menaschi ella Reit da Sanadad Surselva. La partenza da quel ei previus cun l'entschatta 2027.

Il meinacasa Donat Nay va en la pensiun prematura, pia in onn avon sia pensiun ordinaria. La cumissiun casa ed il meinacasa Donat Nay han decidiu communablamein quei pass e miran anavos sin ina collaboraziun reussida e plein confidanza.

Signur Donat Nay ha menau la Casa s. Martin dapi igl onn 2017 ed ha gidau duront quei temps considerablamein da sviluppar la Casa s. Martin. Sut sia direcziun ein vegni realisai numerus projects. Aschia ha el cun agid dil persunal menau la casa cun grond dun ed inschign atras la pandemia da Corona. Siu grond e nunstunchenteivel engaschi pil bien dallas cussadentas e dils cussadents sco era sias qualitäts sco meinacasa ein vegni apprezzai dallas collaboraturas e collaboraturs denton era dils confamigliars sco era da tut ils gremis dalla Casa s. Martin.

“Nus engraziein grondamein a Donat Nay per siu engaschi e giavischein ad el sin sia via privata sco pensiunau tut bien e buna sanadad,” di Daniel Tuor, president dalla cumissiun casa e dalla fundaziun Casa S. Martin.

Naven digl 1. da fevrer 2025 surpren dunna Anna Jäger la direcziun dalla Casa s. Martin. Ella ei gia oz engaschada en casa sco menadra da qualitat. Ei legra nus zun fetg che nus havein anflau cun dunna Anna Jäger ina persuna qualificada per nossa piazza sco meinacasa. Il sacados da dunna Anna Jäger ei emplenius cun profunda savida dil sector da sanadad, da menar persunal e squadras sco secapescha sil sector da management da qualitat.

La cumissiun casa e la direcziun dalla Casa s. Martin sco era il persunal selegran da collaborar cun la nova meinacasa e quei sut il motto da dunna Anna Jäger: “zusammenstehen - zusammengehen (*star ensemen – ir ensemen*)”.

Nus beneventein cordialmein Anna Jäger e giavischein ina bun'entschatta sco era bia success e gronda satisfacziun en sia nova piazza da lavur.

L'entschatta avrel 2025 entscheiva dunna Alexandra Quinter sia piazza sco menadra dalla tgira tier la Casa s. Martin. Il responsabels dalla casa ein perschuidi che la nova direcziun sa far frunt allas sfidas vegnentas ed ei pinada pil futur.

### **Persuna da contact**

Patrick Schaniel, vicepresidente dalla cumissiun casa

+41 76 595 54 59, [patrick.schaniel@sumvitg.ch](mailto:patrick.schaniel@sumvitg.ch)